

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-1308/24
Vareš, 20.08.2024. godine

PREDMET: Obavijest političkim subjektima

Obavještavaju se politički subjekti registrovani za Lokalne izbore 2024.god., kao i fizička lica koja u ime i po nalogu političkih stranaka vrše lijepljenje predizbornih plakata, da je odredbama člana 13. Odluke o komunalnom redu općine Vareš br.01-100/10 od 05.05.2010. godine, propisano da se plakati, oglasi i slične objave mogu postavljati bez posebne urbanističke saglasnosti Službe za prostorno uređenje samo na oglasnim tablama i u oglasnim ormarićima.

Odredbama Odluke o komunalnom redu općine Vareš zabranjeno je postavljanje plakata i sličnih objava izvan dozvoljenih mjesta, a naročito na fasadama zgrada, drveću, rasvjetnim stubovima, stubovima saobraćajne signalizacije i drugim sličnim objektima, bez urbanističke saglasnosti.

Dalje, članom 13. stav 4. navedene Odluke je propisano da se, izuzetno, predizborni plakati mogu postavljati i na druga mjesta koja odredi Općinski načelnik, a političke stranke su dužne nakon provedenih izbora iste ukloniti o svom trošku ili će to, po nalogu komunalno-građevinskog inspektora, učiniti nadležno javno komunalno preduzeće o trošku fizičkog ili pravnog lica koje ih je postavilo.

Zauzimanje javne površine u svrhu promocije predizborne kampanje političkih subjekata (postavljanja promotivnih info stolova i slično) vrši se na osnovu izdatog rješenja Službe za prostorno uređenje, kojim se daje saglasnost za zauzimanje javne površine, te utvrđuje visina naknade za korištenje.

Postupak izdavanja rješenja pokreće se na osnovu zahtjeva ovlaštenog lica Službi za prostorno uređenje, i to sa naznakom lokacije i periodom zauzimanja javne površine.

Odredbama Odluke o privremenom korištenju državnog zemljišta – javnih površina na području općine Vareš, br.01-99/14 od 31.03.2014.godine regulisan je način dodjele lokacija, odnosno korištenje javnih objekata, stubova javne rasvjete, te objekata u vlasništvu općine, kao i visina naknade za korištenje. Dodjela lokacija vrši se po zahtjevu zainteresovanih lica.

Nadzor nad primjenama odredbi Odluke o komunalnom redu općine Vareš vrše komunalno – građevinska inspekcija i eko policija, a za postupanje protivno naprijed

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:

tel.: 00387 32 848 100;
fax: 00387 32 848 150;
web: www.vares.info



navedenim odredbama propisane su i novčane kazne, i to za pravna lica u iznosu od 1.000,00 do 5.000,00 KM, za odgovorne lica u pravnom licu u iznosu od 200,00 do 1.000,00 KM, te za fizička lica od 100,00 do 1.000,00 KM.

Nadamo se da će se svi sudionici izborne kampanje u promociji svojih programa i kandidata, pridržavati gore navedenih odredbi Odluke o komunalnom redu.

S poštovanjem,

DOSTAVLJENO:

- 1 x Hrvatski radio Bobovac
- 1 x oglasna tabla Općine
- 1 x web stranica Općine
- 1 x a/a



OPĆINSKI NAČELNIK

Zdravko Marošević